



## ASOCIJACIJA RADIOAMATERA U BOSNI I HERCEGOVINI

ul. Derviša Numića 6, poštanski fah 61, SARAJEVO

tel: 062-196-322 , e-mail: kancelarija@arabih.ba , web: [www.arabih.ba](http://www.arabih.ba)

ID broj: 4200674380007, račun: 1011010073209331 Privredna banka Sarajevo

Broj: I-047/26

Dana: 27.04.2026. god.

### ZAPISNIK sa Izvještajno-izborne skupštine Asocijacije radioamatera u BiH

Datum održavanja sjednice: 18.04.2026. godine  
Vrijeme početka sjednice: 11:15 sati  
Mjesto održavanja sjednice: Velika sala Općinskog Vijeća Maglaj, Dom kulture „Edhem Mulabdić“  
Maglaj

Za sjednicu je predložen sljedeći

#### DNEVNI RED

1. Izbor radnih tijela Skupštine;
  - 1.1 Izbor verifikacione komisije (tri člana),
  - 1.2 Izvještaj verifikacione komisije,
  - 1.3 Izbor Radnog predsjedništva (dva člana),
  - 1.4 Izbor Zapisničara i dva ovjerivača zapisnika.
2. Prijedlog izvještaja o radu Asocijacije za 2025. god.
  - 2.1 Izvještaj o radu Asocijacije sa Izvještajem o radu UO i menadžera ARAuBiH za 2025.g.
  - 2.2 Izvještaj o finansijskom poslovanju Asocijacije za 2025. god. sa pregledom stanja na dan 31.12.2025. god.
  - 2.3 Izvještaj Nadzornog odbora Asocijacije.
  - 2.4 Rasprava o podnesenim Izvještajima
  - 2.5 Donošenje Odluka o podnesenim izvještajima
3. Planovi rada Asocijacije za 2026.g.
  - 3.1 Plan rada UO, menadžera ARAuBiH i finansijski plan za 2026.g.
  - 3.2 Usvajanje plana rada.
4. Izbor oragana Asocijacije
  - 4.1 Izbor članova Izborne komisije
  - 4.2 Izbor Predsjednika Skupštine
  - 4.3 Izbor Predsjednika Asocijacije (ujedno i predsjednika UO)
  - 4.4 Izbor članova UO (šest članova)
  - 4.4 Izbor članova Nadzornog odbora (tri člana)
  - 4.5 Izbor Sekretara.
5. Donošenje Odluke o visini članarine u Asocijaciji
6. Prijedloziza dodjelu priznanja ARAuBiH zaslužnim članovima
7. Razno



## ASOCIJACIJA RADIOAMATERA U BOSNI I HERCEGOVINI

ul. Derviša Numića 6, poštanski fah 61, SARAJEVO

tel: 062-196-322 , e-mail: kancelarija@arabih.ba , web: [www.arabih.ba](http://www.arabih.ba)

ID broj: 4200674380007, račun: 1011010073209331 Privredna banka Sarajevo

Skupština Asocijacije radioamatera u BiH – ARA u BiH (u daljem tekstu Asocijacija) je počela sa radom u 11:15 sati. Sjednicu Skupštine je otvorio Predsjednik Skupštine **Adnan Hajdarhodžić (Tuzla)**. Pozdravio je prisutne radioamatere i predstavnike Radio klubova kao i zastupnike koji su se odazvali sjednici te se zahvalio domaćinima na pomoći u organizaciji Skupštine.

### Ad 1. Izbor radnih tijela Skupštine

#### Ad 1.1

Kako bi Skupština mogla raditi i donositi Odluke, Predsjednik Skupštine je predložio da se imenuju članovi Verifikacione komisije a ista će izvršiti verifikaciju prisustva članova i utvrditi da li Skupština ima potreban kvorum za rad.

Na prijedloge prisutnih, JEDNOGLASNO je imenovana Verifikaciona komisija u sastavu:

1. **Almir Agić** (Pousorje)
2. **Aljo Alimanović** (Zavidovići) i
3. **Muris Mašić** (Tuzla)

Predsjednik Skupštine Adnan Hajdarhodžić je pozvao prisutne da Verifikacionoj komisiji verifikuju svoje prisustvo te da prezentuju punomoći za one koji ne prisustvuju Skupštini, čime je Verifikaciona komisija počela sa radom.

Verifikaciona Komisija je verifikaciju obavila do 12:00 sati.

#### Ad 1.2

Prema Izvještaju Verifikacione komisije, Asocijacija ima ukupno 448 članova a na ovoj Sjednici lično ili putem opunomoćnika prisustvuje 250 članova sa pravom glasa.

Pošto sjednici prisustvuje potrebna većina članstva, u skladu sa članom 21. Skupština može raditi i punovažno odlučivati.

Nakon podnesenog izvještaja Verifikacione komisije, prisutni članovi Skupštine Asocijacije su JEDNOGLASNO usvojili

#### **Zaključak**

*Skupština Asocijacije može raditi i punovažno odlučivati, i usvaja se predloženi Dnevni red Skupštine.*

#### Ad 1.3

Prisutni članovi Skupštine, pored Predsjednika Skupštine u svojstvu Predsjedavajućeg sjednice, u Radno predsjedništvo trebaju predložiti još dva člana. Po završetku predlaganja, JEDNOGLASNO je usvojen:

#### **Zaključak**

*Imenuje se Radno predsjedništvo Skupštine u sastavu:*

1. **Adnan Hajdarhodžić**, Predsjednik Skupštine Asocijacije, u svojstvu predsjedavajućeg (Tuzla)
2. **Željko Bobić**, član (Travnik) i
3. **Almir Vuković**, član (Tuzla)

#### Ad 1.4

U skladu sa potrebom, članovi Skupštine su predlagali Zapisničara i dva ovjerivača zapisnika, te se na osnovu datih prijedloga JEDNOGLASNO usvaja

#### **Zaključak**

*Za Zapisničara na današnjoj sjednici Skupštine se imenuje:*

**Almir Agić** (Pousorje)

*a za ovjerivače zapisnika imenuju se:*

1. **Alen Delić** (Maglaj) i
2. **Svetozar Saša Lisul** (Pousorje).



## ASOCIJACIJA RADIOAMATERA U BOSNI I HERCEGOVINI

ul. Derviša Numića 6, poštanski fah 61, SARAJEVO

tel: 062-196-322 , e-mail: kancelarija@arabih.ba , web: [www.arabih.ba](http://www.arabih.ba)

ID broj: 4200674380007, račun: 1011010073209331 Privredna banka Sarajevo

### Ad 2. Prijedlog Izvještaja o radu Asocijacije, UO i menadžera za 2025. godinu

#### Ad 2.1

Predsjednik Asocijacije/Predsjednik UO **Arman Destanović** (Gornji Vakuf) se obratio prisutnima i naglasio da je Izvještaj o radu Predsjednika Asocijacije sa Izvještajem o radu UO za 2025. godinu, kao i izvještaji NO i menadžera Asocijacije, dostavljeni svim članovima Asocijacije tako da će se tokom izlaganja samo kratko osvrnuti na njih. Istakao je da je UO u prethodnoj godini održao 19 zasjedanja, što online što u direktnim susretima te se uspješno praovremeno reagovalo i donositi sve potrebne odluke i ispratiti aktivnosti zacrtane Planom rada za 2025.g. na prethodnoj Skupštini. Također, menadžeri ARAuBiH su realizovali sve planirane aktivnosti a zabilježeni su i značajni rezultati na domaćim i međunarodnim takmičenjima pod pozivnim znakovima ARAuBiH. Postignuti su i značajni rezultati na ustrojavanju i održavanju repetitorske mreže s naznakom da je magistralni repetitor R3 Vlašić ponovo pod punom kontrolom Asocijacije sa pravno riješenim pitanjem smještaja istog u prostorima repetitora Vlašić BHRT-a. Mladi Asocijacije su aktivno učestvovali u YOTA aktivnostima u eteru te prisustvovali YOTA kampu u Parizu a Asocijacija je bila prisutna i na Internacionalnom sajmu radioamaterizma u Friedrichshafenu. Isto tako, pri kraju je i aktivnost pronalaska novih prostorija kancelarije Asocijacije u Sarajevu koje bi imalo trajniji karakter.

#### Ad 2.2

Izvještaj o finansijskom poslovanju Asocijacije za **2025. god.**, sa pregledom stanja na dan **31.12.2025. god.** obrazložio je Sekretar Asocijacije **Senaid Pleh** (Goražde). Osnova njegovog izlaganja bili su Bilans stanja sa pratećom dokumentacijom koja je uradjena od strane knjigovodstvene firme K&K Doboj Jug, a koji ova Skupština treba usvojiti. Godišnji izvještaj je, u skladu sa propisima i u ostavljenom roku, predat nadležnoj instituciji. Radi uvida u trenutno finansijsko stanje, imenovani je dao i analitiku prihoda i rashoda zaključno sa danom 31.12. 2025. god. Naveo je da je spomenuti bilans kao i analitika blagovremeno poslani organima upravljanja kao i članstvu Asocijacije.

#### Ad 2.3

Detalje vezane za Izvještaj Nadzornog odbora (NO) za 2025. god. je podnio Predsjednik NO **Svetozar Saša Lisul** (Pousorje). S obzirom na probleme u radu NO, jer su se ostala dva člana NO odbijala u više navrata pridružiti pregledu dokumentacije uz prisustvu Predsjednika UO, Predsjednik NO je pregledao SVU dokumentaciju i svoj pisani Izvještaj blagovremeno dostavio Predsjedniku Skupštine a isti je dostavljen UO i članstvu.

Imenovani je, u okviru svog Izvještaja na Skupštini, naveo da je u skladu sa čl. 29. Statuta Asocijacije radioamatera u BiH, izvršio pregled dokumentacije koja se odnosi na finansijsko – materijalno poslovanje Asocijacije i nije utvrdio nezakonito i nenamjensko trošenje sredstava, finansijsko materijalno poslovanje Asocijacije odvijalo se u skladu sa pozitivnim propisima i Odlukama Upravnog odbora. Isto tako lično te je utvrdio da tokom izvještajnog perioda nisu ustanovljene nepravilnosti u radu Asocijacije niti je bilo propusta u primjeni odredaba Statuta Asocijacije.

#### Ad 2.4

U svjetlu izlaganja Predsjednika Asocijacije **Armana Destanovića**, o već usvojenim Izveštajima na prethodnoj Skupštini, Predsjednik Skupštine Asocijacije je predložio da se krene sa raspravom. **Muris Mašić** (Tuzla) je postavio pitanje imovine Asocijacije, zašto nema evidencije o istoj (oprema, nekretnine). **Senaid Pleh** (Goražde) je naveo da nikada nije obavljena primopredaja sve dokumentacije Asocijacije od bivšeg predsjednika Mesuda Fazlagića 2020.g. jer je isti to odbijao. Podnesena je krivična prijava Sudu BiH zbog toga. Sud BiH se proglasio nenadležnim po pitanju toga i slučaj prebacio na Kantonalni sud u Sarajevu. I oni su se proglasili nenadležnim i slučaj vratili Sudu BiH. Službenici SIPA-e su kontaktirali Sekretara Asocijacije po tom pitanju koji ih je informisao o svemu i podnio na uvid traženu dokumentaciju. Od septembra prošle godine više nije bilo nikakvih kontakata po tom pitanju. **Ekrem Mušić** (Sarajevo) je također postavio pitanje nekretnina, konkretno bunkera koji je u vlasništvu Asocijacije. **Vesaf Čolak** (Goražde) je naveo da je o pitanju bunkera diskutovano na prethodnim



## ASOCIJACIJA RADIOAMATERA U BOSNI I HERCEGOVINI

ul. Derviša Numića 6, poštanski fah 61, SARAJEVO

tel: 062-196-322 , e-mail: kancelarija@arabih.ba , web: [www.arabih.ba](http://www.arabih.ba)

ID broj: 4200674380007, račun: 1011010073209331 Privredna banka Sarajevo

skupštinama i da je utvrđeno da je Asocijacija korisnik a ne vlasnik objekta. Bunker je i, kao historijski spomenik, pod zaštitom države što ograničava njegovo uređenje, za koje nemamo sredstava, a samim tim i korištenje za koje je potpuno neuvjetan.

### Ad 2.5

Kako je rasprava završena, predloženi Izvještaji o radu, finansijski izvještaj, sa pregledom stanja na dan 31.12.2025. god te izvještaj predsjednika za 2025. god. Na osnovu 204 glasova ZA, 12 PROTIV i 2 SUZDRŽANA glasa se

## ODLUKA

*Prihvataju se Izvještaji o finansijskom poslovanju Asocijacije radiomatera sa finansijskim izvještajem u BiH za 2025. god., sa pregledom stanja na dan 31.12. 2025. god.te Izvještaj predsjednika NO Asocijacije za navedeni period.*

### Ad 3. Planovi rada Asocijacije za 2026.g.

#### Ad 3.1

Predsjednik Asocijacije **Arman Destanović** (G.Vakuf) je u najkraćem elaborirao predloženi Plan aktivnosti za 2026.g. naglašavajući da je isti nezahvalno donositi jer se time postavljaju zadaci novom rukovodstvu koje treba biti izabrano. Ipak, Plan se uglavnom naslanja na onaj iz prethodne godine jer većinom sadržava aktivnosti koje su „tradicionalne“ u svakom planu poput organizacije i učešća u takmičenjima, obilježavanje značajnih datuma pod specijalnim znakovima, YOTA aktivnosti itd. Od onih specifičnih za ovaj Plan izdvojio je intenziviranje aktivnosti na izgradnji DMR repetitorske mreže te aktivostima na izradi vlastitog VHF robota za web stranicu jer za postojeći izdvajamo značajna sredstva koja bi mogli preusmjeriti za druge potrebne stvari. VHF Robot razvijaju naši članovi a s obzirom na obim poslova oko njegovog programiranja najvjerovatnije neće biti završen ove godine. Također, predsjednik je podnio i finansijski plan za 2026.g. za koji je istakao da je uglavnom na nivou plana za prethodnu godinu a da se blago povećanje odnosi na dodatne troškove iznajmljivanja prostorija buduće kancelarije Asocijacije a koje bi se iskompenziralo dodatnim sredstvima iz donacija.

**Ad 3.2** Nakon što su izloženi Plan aktivnosti i Finansijski plan su stavljeni na diskusiju.

**Behad Hasić (Stjepan Polje)** je predložio da se u Plan aktivnosti uvrsti i organizovanje E7 HF takmičenja. Sva RA udruženja u regionu i šire imaju svoje HF Kup-ove i bilo bi sasvim logično da i naša Asocijacija organizuje isto. **Arman Destanović** (G. Vakuf) je naveo da prijedlog svakako ima smisla ali da je otežavajuća okolnost nemogućnost angažovanja HF menadžera jer niko ne želi da se prihvati tog zadatka. Sve aktivnosti na HF-u organizujemo međusobno (HQ, specijalni znakovi) tako da bi još jedna ovakva aktivnost bila veliko dodatno opterećenje kojem bi bilo jako teško odgovoriti. U slučaju angažmana HF menadžera bi to već bilo izvedivo.

**Amir Halep (Kakanj)** je istakao da je po njegovom mišljenju Plan aktivnosti možda preambiciozan da bi se teško mogao realizovati te bi ih trebalo razvrstati po onim prioritetnim i onim koje bi se možda mogle uraditi. **Arman Destanović** (G. Vakuf) je naveo da se u Planu nalaze aktivnosti koje moraju biti realizovane i za rukovodstvo imaju, po pitanju toga, jednak značaj.

Nakon što je zaključena diskusija oba Plana su stavljena na glasanje pa se sa 197 glasova ZA, bez glasova PROTIV i 1 SUZDRŽANIM glasom usvaja se

## ODLUKA

*Usvaja se Plan rada UO i menadžera ARAuBiH za 2026.g.*

Također, sa 239 glasa ZA, 11 glasova PROTIV i bez SUZDRŽANIH glasova usvaja se



## ASOCIJACIJA RADIOAMATERA U BOSNI I HERCEGOVINI

ul. Derviša Numića 6, poštanski fah 61, SARAJEVO

tel: 062-196-322 , e-mail: kancelarija@arabih.ba , web: [www.arabih.ba](http://www.arabih.ba)

ID broj: 4200674380007, račun: 1011010073209331 Privredna banka Sarajevo

### ODLUKA

*Usvaja se Finansijski plan ARABiH za 2026.g.*

#### **Ad 4. Izbor organa Asocijacije**

Predsjednik Skupštine **Adnan Hajdarhodžić** (Tuzla) je pozvao prisutne da pristupe prijedlozima za nove članove organa Asocijacije u narednom periodu.

**Ad 4.1** Za članove Izborne komisije koja će voditi izborni proces predloženi su i izabrani:

1. Armin Hodžić (Bugojno)
2. Behad Hasić (Stjepan Polje)
3. Vesaf Čolak (Goražde)

**Ad 4.2** Za Predsjednika Skupštine predložen je Adnan Hajdarhodžić (Tuzla) i, kako nije bilo drugih prijedloga, nakon glasanja sa 240 glasa ZA, bez glasova PROTIV i bez SUZDRŽANIH usvaja se

### ODLUKA

*Za Predsjednika Skupštine Asocijacije radioamatera u BiH imenuje se **Adnan Hajdarhodžić** (Tuzla).*

**Ad 4.3** Za Predsjednika ARABiH i ujedno Upravnog odbora nominovan je Arman Destanović (G. Vakuf). Kako nije bilo novih prijedloga isti je stavljen na glasanje pa se 240 glasova ZA, bez glasova PROTIV i 2 SUZDRŽANA usvaja

### ODLUKA

*Za Predsjednika Asocijacije radioamatera u BiH i predsjednika UO imenuje se **Arman Destanović** (G. Vakuf).*

**Ad 4.4** Članovi Skupštine Asocijacije su davali prijedloge za šest članova novog sastava Upravnog odbora za koje su glasali pojedinačno:

1. Dalibor Stanić, 33 glasa
2. Ekrem Mušić, 13 glasova
3. Jasminko Mulaomerović, 42 glasa
4. Darko Rusman, 237 glasova
5. Alen Delić, 238 glasova
6. Jasmin Hadžiselimović, 248 glasova
7. Vesaf Čolak, 250 glasova
8. Almir Agić, 240 glasova
9. Izudin Ahmetović, 249 glasova.

Nakon obavljenog izbornog procesa usvaja se



## ASOCIJACIJA RADIOAMATERA U BOSNI I HERCEGOVINI

ul. Derviša Numića 6, poštanski fah 61, SARAJEVO

tel: 062-196-322 , e-mail: kancelarija@arabih.ba , web: [www.arabih.ba](http://www.arabih.ba)

ID broj: 4200674380007, račun: 1011010073209331 Privredna banka Sarajevo

### ODLUKA

*Razrješava se dužnosti prethodni saziv Upravnog odbora ARABiH a za sastav novog Upravnog odbora imenuju se:*

1. Vesaf Čolak (Goražde)
2. Izudin Ahmetović (Stjepan Polje)
3. Jasmin Hadžiselimović (Zenica)
4. Alen Delić (Maglaj)
5. Darko Rusman (Lukavac)
6. Almir Agić (Pousorje)

**Ad 4.5** Članovi Skupštine su za buduće članove Nadzornog odbora predložili a zatim za njih i glasali kako slijedi:

1. Svetozar Saša Lisul, 246 glasova
2. Alen Ruvić, 245 glasova
3. Jasminko Mulaomerović, 59 glasova
4. Eldina Mehinagić, 244 glasa

Nakon završenog glasanja usvaja se

### ODLUKA

*Razrješava se dužnost prethodni saziv Nadzornog odbora a imenuje se novi Nadzorni odbor Asocijacije u sastavu:*

1. Svetozar Saša Lisul (Pousorje)
2. Alen Ruvić (Zenica)
3. Eldina Mehinagić (Maglaj)

Nakon međusobnih konsultacija članovi novog NO su odlučili da se za predsjednika Nadzornog odbora Asocijacije imenuje **Svetozar Saša Lisul** (Pousorje) o čemu su odmah obavijestili Skupštinu.

Ad 4.6 Članovi Skupštine su za funkciju sekretara Asocijacije predložili **Senaida Pleha** (Goražde) i kako nije bilo novih prijedloga odlučili da se sa 250 glasova ZA usvaja

### ODLUKA

*Za sekretara Asocijacije radioamatera u BiH imenuje se Senaid Pleh (Goražde).*

#### **Ad 5. Donošenje Odluke o visini članarine u Asocijaciji**

Ovu tačku dnevnog reda obrazložio je Predsjednik Skupštine **Adnan Hajdarhodžić**, informišući prisutne da se svake godine na Skupštini razmatra iznos – visina članarine u Asocijaciji. Dao je do znanja da je trenutna važeća Odluka o visini članarine za 2026.g., u kojoj je određena visina članarine za dvije skupine članstva: prva, za radio klubove, pravna lica i fizička lica koji su strani državljanima ona iznosi 40,00 KM, i druga, za članove radio klubova i direktne članove ona iznosi 20 KM. Pozvao je na raspravu kako bi se donijela nova odluka.



## ASOCIJACIJA RADIOAMATERA U BOSNI I HERCEGOVINI

ul. Derviša Numića 6, poštanski fah 61, SARAJEVO

tel: 062-196-322 , e-mail: kancelarija@arabih.ba , web: [www.arabih.ba](http://www.arabih.ba)

ID broj: 4200674380007, račun: 1011010073209331 Privredna banka Sarajevo

**Muris Mašić** (Tuzla) je predložio, da se u cilju omasovljenja članstva, napravi diferencirana članarina za direktne članova za koje bi bila veća a time bi se članovi motivisali da se učlanjuju preko klubova.

**Aljo Alimanović** (Zavidovići) je predložio da se članarina poveća na iznos od 25 KM jer su se u međuvremenu povećali troškovi zbog povećanja cijena.

**Amir Halep** (Kakanj) predlaže da visina članarine ostane ista a da se veći troškovi kompenzuju traženjem dodatnih donacija.

**Ekrem Mušić** (Sarajevo) se zalagao za uvođenje diferencirane visine članarine za različite kategorije (direktni, klubovi, članovi klubova, omladina).

**Adnan Hajdarhodžić** (Tuzla) predlaže povećanje visine članarine na 25 KM za pojedince i 50 KM za klubove.

Nakon završene rasprave zaključeno je da se ne ide u diferenciranu stopu članarina nego da se na glasanje stavi povećanje postojećih kategorija članarina pa je tako sa 221 glasom ZA odlučeno da se podigne visina članarine na 25 KM za pojedince, a sa 242 glasa ZA odlučeno da se zadrži trenutno važeća visina članarine za klubove u iznosu od 40 KM. Stoga, usvaja se

### **ODLUKA O VISINI ČLANARINE ZA 2027. GOD.**

I

*Visina godišnje članarine, razvrstane po kategorijama članstva, iznosi:*

- *Radio klubovi i ostala pravna lica registrovana u BiH na bilo kome nivou i fizička lica strani državljanjani ..... 40,00 KM*
- *Fizička lica koji su članovi putem Radio klubova udruženih u Asocijaciju kao i fizička lica koja svoje članstvo uspostavljaju direktno na nivou Asocijacije..... 25,00 KM*

II

*Počasni i doživotni članovi Asocijacije su oslobođeni obaveze plaćanja članarine.*

III

*Rok za plaćanje godišnje članarine je 30. april tekuće godine i ista se plaća odjednom, u punom iznosu.*

*Članarina se obavezno uplaćuje na bankovni račun Asocijacije. Za članove koji su u Asocijaciju učlanjeni putem Radio klubova članarina se plaća putem bankovnog računa tog kluba.*

IV

*Neplačena članarina u tekućoj godini povlači gubitak prava glasanja na skupštinskim sjednicama kao i sjednicama organa upravljanja Asocijacije, na pravo da se bude biran u komisije, timove i dr.*

V

*Članstvo u Asocijaciji i uredno plaćanje članarine podrazumijeva da svi imaoci operatorskih klasa imaju pravo na besplatno korištenje usluga dolaznog QSL biroa za svoj pozivni znak, dok pravo i na besplatnu uslugu odlaznog QSL biroa imaju Radio klubovi samo za jedan klupski pozivni znak, u količini do 1 kg QSL karata u tekućoj godini.*

VI

*Ova Odluka primjenjivati će se od 01.01.2027. god. i važi do njenog opoziva od strane nadležnog organa Asocijacije.*

#### **Ad 4. Prijedlozi za dodjelu priznanja ARAuBiH zaslužnim članovima**

Predsjednik Skupštine **Adnan Hajderhodžić** je, u elaboriranju ove tačke dnevnog reda, istakao da je Skupština opredijeljena da posebnim plaketama oda priznanje zaslužnim članovima Asocijacije koji su svojim trudom, zalaganjem i aktivnostima posebno doprinijeli razvoju radioamaterizma i Asocijacije. Pozvao je članove Skupštine da daju svoje prijedloge.



## ASOCIJACIJA RADIOAMATERA U BOSNI I HERCEGOVINI

ul. Derviša Numića 6, poštanski fah 61, SARAJEVO

tel: 062-196-322 , e-mail: kancelarija@arabih.ba , web: [www.arabih.ba](http://www.arabih.ba)

ID broj: 4200674380007, račun: 1011010073209331 Privredna banka Sarajevo

Nakon sveobuhvatne diskusije zaključeno je da se, u cilju očuvanja svakog oblika vrijednosti priznanja koje dodjeljuje Skupština Asocijacije, potrebno potpunije posvetiti tom zadatku. Potrebno je tražiti od članova Asocijacije da pismeno dostave prijedloge osoba, organizacija ili institucija za priznanja sa detaljnim obrazloženjima UO Asocijacije a koji će nakon toga biti predočeni na narednom zasjedanju Skupštine. Prijedlog je stavljen na glasanje i sa 234 glasa ZA, usvaja se

### ODLUKA

*Zadužuje sa Upravni odbor ARAuBiH da pozove članove na dostavljanje prijedloga za priznanja Asocijacije sa obrazloženjem. Prijedloge će UO obraditi i podnijeti na narednoj Skupštini.*

#### Ad 7 Razno

**Ad 7.1 Muris Mašić (Tuzla)** je naveo da u E7 postoji SVX Link mreža koju razvija Dževad Durgutović iz Njemačke. Uprava Asocijacije je upoznata sa time i u više navrata je pozivala imenovanog na podnošenje izvještaja o radu iste, s obzirom da mu je raniji predsjednik Asocijacije Mesud Fazlagić izdao imenovanje za SVX menadžera koje imenovani i dalje ističe. Kako se isti oglašuje na pozive predlaže Skupštini ta se to imenovanje stavi van snage.

Skupština je glasala o ovom prijedlogu i odlučila da se sa 230 glasova ZA usvaja

### ODLUKA

*Zadužuje se Upravni odbor ARAuBiH da stavi VAN SNAGE Odluku o imenovanju za SVX link menadžera Dževada Durgutovića koja je donešena za vrijeme ranijeg predsjednika ARA Mesuda Fazlagića.*

**Ad 7.2 Aljo Alimanović (Zavidovići)** je predložio da se ubuduće pojednostavi rad Verifikacione komisije skupštine na način da se to obavi prije samog održavanja skupštine zajedno sa sekretarom Asocijacije. Trenutni proces bespotrebno produžava trajanje zasjedanja a može se umnogome skratiti.

Prijedlog je stavljen na glasanje i sa 246 glasova ZA, usvaja se

### ODLUKA

*U cilju kvalitetnijeg rada Skupštine ARAuBiH zadužuju se Predsjednik i sekretar Skupštine da, u budućim pripremama za održavanje zasjedanja Skupštine, proces verifikacije članova obavi prije samog održavanja Skupštine. Nakon toga će iste predočiti Verifikacionoj komisiji koja će donijeti potrebne odluke za održavanje Skupštine.*

**Ad 7.3 Predsjednik Asocijacije Arman Destanović (G. Vakuf)** je obavijestio Skupštinu da se u prethodnom periodu aktivno radilo na jednom od zahtjeva sa prethodnih skupština a to je pronalazak novih prostorija za kancelariju Asocijacije. Uspjeli su naći nove prostorije na adresi HRVATIN 67, SARAJEVO po veoma pristupačnoj cijeni iznajmljivanja pa bi Skupština trebalo da donese odluku o promjeni adrese kako bi se promjene provele u svim potrebnim institucijama. Shodno navedenom Skupština je odlučila sa 246 glasova ZA da se usvaja



## ASOCIJACIJA RADIOAMATERA U BOSNI I HERCEGOVINI

ul. Derviša Numića 6, poštanski fah 61, SARAJEVO

tel: 062-196-322 , e-mail: kancelarija@arabih.ba , web: [www.arabih.ba](http://www.arabih.ba)

ID broj: 4200674380007, račun: 1011010073209331 Privredna banka Sarajevo

### ODLUKA

*Novo sjedište Asocijacije je HRVATIN 67, 71000 SARAJEVO.*

*Zadužuju se predsjednik, članovi UO i sekretar Asocijacije da obave sve neophodne radnje za registraciju nove adrese u nadležnom Ministarstvu, institucijama i organizacijama.*

U daljem toku Skupštine drugih pitanja, prijedloga i sugestija nije bilo Predsjednik Skupštine **Adnan Hajdarhodžić** je zaključio da je dnevni red iscrpljen.

Predsjednik Skupštine je sjednicu zaključio u 16:35 sati.

Zapisničar:

Almir Agić

  
\_\_\_\_\_



Ovjerivači zapisnika:

Alen Delić

  
\_\_\_\_\_

Svetozar Saša Lisul

  
\_\_\_\_\_